



Na osnovu člana 49.a Zakona o Univerzitetu u Bihaću („Službeni glasnik Unsko-sanskog kantona br. 16/09,4/11,06/13,22/13, 2/15 i 11/16) na prijedlog Vlade Unsko-sanskog kantona, na 32. redovnoj sjednici održanoj 12.06.2017.godine, Skupština Unsko-sanskog kantona donijela je

ODLUKU

o davanju saglasnosti na izmjene i dopune Statuta JU Univerzitet u Bihaću

I

Daje se saglasnost na izmjene i dopune Statuta JU Univerzitet u Bihaću, broj: 06-7883/2016 od 08.12.2016.godine.

II

Ova Odluka stupa na snagu danom donošenja i objaviće se u „Službenom glasniku Unsko – sanskog kantona“.

Broj: 01-02-4-53/17
12.06.2017.godine
Bihać



Na osnovu člana 61. a u vezi sa članom 49.a. Zakona o Univerzitetu u Bihaću („Službeni glasnik USK-a“, broj: 16/09, 4/11,6/13, 22/13,2/15 i 11/16), Senat Univerziteta u Bihaću je na svojoj VIII (osmoj) redovnoj sjednici održanoj dana 08.12.2016. godine donio

IZMJENE I DOPUNE

Statuta Univerziteta u Bihaću, broj: 01-1914/09 od 27.10.2009. godine

Član 1.

Ovim Izmjenama i dopunama se vrši usaglašavanje odredaba Statuta Univerziteta u Bihaću broj: 01-1914/09 od 27.10.2009. godine sa Zakonom o Izmjenama i dopunama Zakona o Univerzitetu, objavljenim u „Službenom glasniku Unsko Sanskog kantona“, broj: 4/11, 6/13, 22/13, 2/15 i 11/16.

Član 2.

U Statutu Univerziteta u Bihaću, broj: 01-1914/09 od 27.10.2009. godine u članu 22 iza stava (2) dodaje se novi stav (3), koji glasi:
„(3) Univerzitet integrira funkcije svih Organizacionih jedinica u svom sastavu, a posebno fakulteta, tako što provodi jedinstvenu politiku čiji je cilj stalno unaprijeđenje kvaliteta nastave, usavršavanje NiR-a i umjetničkog stvaralaštva.

Dosadašnji stavovi (3) i (4) postaju stavovi (4) i (5)“.

Član 3.

Član 47 stav (2) mijenja se i glasi:

Strukturu Upravnog odbora čine:

- a) Ukupno 6 (šest) članova koje imenuje Osnivač u javnoj i transparentnoj konkursnoj proceduri, koju provodi Vlada USK-a.
- b) Ukupno 3 (tri) člana iz reda akademske zajednice koje u javnoj i transparentnoj konkursnoj proceduri imenuje Senat Univerziteta u Bihaću.

Iza stava (2) dodaje se novi stav (3), koji glasi:

„Članovi Upravnog odbora ispred Osnivača moraju biti fakultetski obrazovani (VII/240 ECTS bod.) sa najmanje 5 godina radnog iskustva od dana sticanja diplome i ne mogu biti uposlenici Univerziteta“.

Dosadašnji stav (3) postaje stav (4).

Dodaje se novi stav (5) koji glasi:

„Konačno imenovanje Upravnog odbora Univerziteta u Bihaću vrši Osnivač“.

Član 4.

Član 59. Stav (1) mijenja se i glasi:

„(1) Senat je najviše izborno tijelo akademske zajednice kojim predsjedava Rektor, koji se bira iz reda akademskog osoblja u skladu sa Zakonom i Statutom i broji 24 (dvadesetčetiri) člana a čine ga:

- Rektor
- Prorektori
- Dekani fakulteta / VŠ
- Po jedan predstavnik fakulteta/VŠ iz reda nastavnika, koje tajnim glasanjem bira NNV fakulteta
- Predstavnik viših asistenata, kojeg tajnim glasanjem biraju zaposlenici Univerziteta iz reda stalno zaposlenih
- Predstavnik asistenata, kojeg tajnim glasanjem biraju zaposlenici Univerziteta iz reda stalno zaposlenih

- Predstavnik iz reda studenata sva tri ciklusa zastupljenih na način da I ciklus ima dva predstavnika, a II i III ciklusi po jednog predstavnika, uz uslov da imaju status redovnog studenta na Univerzitetu.

Član 5.

Član 60. Stav (1) mijenja se i glasi:

„(1) Predstavnici studenata participiraju u sastavu Senata, kako slijedi:

- a) Ispred studenata I ciklusa studija 2 (dva) predstavnika;
- b) Ispred studenata II ciklusa studija 1 (jedan) predstavnik;
- c) Ispred studenata III ciklusa studija 1 (jedan) predstavnik.

Stav (2) se briše.

Iza stava (1) dodaje se novi stav (2) i (3) koji glase:

„Stav (2) Predstavničko tijelo koje delegira predstavnike studenata u Senat je Unija studenata Univerziteta u Bihaću“.

„Stav (3) Predstavnici studenata, asistenata i viših asistenata koji se biraju u Senat, moraju biti sa različitih organizacionih jedinica.“

Član 6.

Član 61. tačka b) se mijenja i glasi:

„b) donošenje Statuta uz prethodno pribavljenu saglasnost Upravnog odbora i dobijene saglasnosti Skupštine USK-a“

Član 61. tačka f) se mijenja i glasi:

„f) Bira i razrješava Rektora nakon provedene javne konkursne procedure“

Dodaje se nova tačka g) koja glasi:

„g) Bira i razrješava prorektora na prijedlog Upravnog odbora nakon provedene javne konkursne procedure“

Dosadašnja tačka g) postaje tačka h) i tako redom do tačke s) koja postaje tačka t).

Član 7.

Član 62. se mijenja i glasi:

„Sjednice Senata saziva i njima predsjedava Rektor Univerziteta, a u slučaju njegove spriječenosti ili odsutnosti zamjenjuje ga član Senata koga on ovlasti“.

Član 8.

„Član 63. se briše“.

Član 9.

U članu 67. dodaje se novi stav (4). koji glasi:

„(4) Ista osoba može biti izabrana za Rektora Univerziteta ukupno dva (2) mandata, računajući od osnivanja Univerziteta“.

Član 10.

U članu 74. iza stava (5) dodaje se novi stav (6) koji glasi:

„(6) Odluka o izboru Rektora je konačna uz prethodnu saglasnost Upravnog odbora“.

Dosadašnji stav (6) postaje stav (7).

Član 11.

Član 88. se mijenja i glasi:

„(1) Komisija za izbor prorektora u roku od 15 (petnaest) dana od dana zaključivanja konkursa, sačinjava Zapisnik o provedenoj konkursnoj proceduri sa abecednom listom kandidata koji ispunjavaju uslove konkursa i istu dostavlja Senatu na daljnji postupak“.

„(2) U daljnjem roku od 15 (petnaest) dana, Senat usvaja Listu kandidata, te istu dostavlja Upravnom odboru Univerziteta u Bihaću radi davanja prijedloga za izbor kandidata“.

Član 12.

Član 89. se mijenja i glasi:

„(1) Upravni odbor Univerziteta u daljnjem roku od 15 (petnaest) dana dužan je da utvrdi prijedlog kandidata i isti dostavi Senatu na daljnji postupak“.

„(2) Po dobijanju prijedloga kandidata od strane Upravnog odbora Univerziteta Senat je dužan u daljnjem roku od 15 (petnaest) dana, pozvati kandidate da na njegovoj sjednici javno predstave ponuđene programe rada, a koje su dostavili uz prijavu na konkurs, nakon čega po istima se vodi rasprava“.

Član 13.

Član 91. se mijenja i glasi:

„(1) U slučaju da se u postupku iz prethodnog člana ovog Statuta ne izvrši izbor prorektora, Senat će bez konkursa imenovati vršioca dužnosti prorektora iz reda članova Senata sa svim nastavnim zvanjima zaposlenih na Univerzitetu u punom radnom vremenu, na period od najduže 90 (devedeset) dana, računajući od dana imenovanja“.

„(2) Prijedlog za vršioca dužnosti prorektora u smislu prethodnog stava može dati Rektor, kao i svaki član Senata, s tim da se izbor vrši tajnim glasanjem, većinom glasova od ukupnog broja njegovih članova“.

Član 14.

Član 96. stav (2) se mijenja i glasi:

„(2) Rektor ili najmanje jedna trećina članova Senata mogu podnijeti zahtjev za pokretanje postupka za razrješenje prorektora, koji se upućuje Upravnom odboru Univerziteta radi davanja prijedloga za razrješenje prorektora“.

Član 15.

Član 102. se mijenja se i glasi:

„(1) Nastavno-naučno vijeće je akademsko tijelo fakulteta koje je nadležno i odgovorno za akademska pitanja i čine ga:

- a) Dekan koji je po položaju predsjednik NNV-a;
- b) Prodekani;
- c) Svi nastavnici koji su u radnom odnosu sa punim radnim vremenom na Univerzitetu i koji učestvuju u naučno-nastavnom procesu na fakultetu/VŠ;
- d) Svi saradnici koji su u radnom odnosu sa punim radnim vremenom na Univerzitetu i koji učestvuju u naučno-nastavnom procesu na fakultetu/VŠ;
- e) predstavnici studenata sva tri ciklusa studiranja, izabrani od studentskog predstavničkog organa u skladu sa Statutom“.

„(2) Mandat članova NNV-a utvrđuje se na početku svake akademske godine i traje jednu akademsku godinu“.

Član 16.

Član 108. stav (1) se mijenja i glasi:

„(1) Dekana/direktora bira i razrješava naučno-nastavno vijeće organizacione jedinice, sa liste kandidata, a na koju je prethodnu saglasnost dao Upravni odbor Univerziteta“.

U članu 108. dodaje se novi stav (7) koji glasi:

„(7) Ista osoba može biti izabrana za Dekana fakulteta/VŠ ukupno dva mandata računajući od osnivanja Univerziteta“.

Član 17.

Član 115. se mijenja i glasi:

„(1) Ako je pozicija Dekana/direktora prije isteka perioda na koji je izabran ostala upražnjena iz ličnih ili drugih razloga, Senat iz redova uposlenika Univerziteta imenuje vršioca dužnosti Dekana/direktora (u zvanju docenta, vanrednog ili redovnog profesora), uz prethodnu saglasnost Upravnog odbora Univerziteta, koji obavlja dužnost do izbora novog Dekana/direktora, a najduže na period do 6 mjeseci“.

Član 18.

Član 117. se mijenja i glasi:

„(1) Dekan/direktor može biti razriješen prije isteka perioda na koji je izabran uz prethodnu saglasnost Upravnog odbora Univerziteta, u slučajevima:

- a) ako ostvaruje loše poslovne rezultate;
- b) ako bude osuđen za krivično djelo;
- c) ako ne izvršava zadatke utvrđene Zakonom, osnivačkim aktom i Statutom, ili ih izvršava protivno njima, ili prekorači ovlaštenja;
- d) zbog odsutnosti ili spriječenosti da u periodu dužem od tri mjeseca obavlja dužnost Dekana/direktora;
- e) ako svojim ponašanjem povrijedi ugled funkcije Dekana/direktora
- f) ako mu većina članova NNV-a odnosno NUV-a iskaže nepovjerenje, tajnim izjašnjavanjem
- g) i u drugim slučajevima utvrđenim Zakonom ili Statutom“.

„(2) Prijedlog za razriješenje Dekana/direktora organizacione jedinice može dati osnivač, rektor, jedna trećina (1/3) članova Senata ili jedna trećina (1/3) članova NNV-a“.

Član 19.

Član 221. se mijenja i glasi:

„(1) Nastavnici i saradnici sa punim radnim vremenom tokom obavljanja javne funkcije na koju je imenovan ili izabran, odnosno radi čijeg je obavljanja zaključio odgovarajući ugovor o radu može izvoditi nastavu i baviti se naučnim radom na Univerzitetu na osnovu ugovora o angažovanju, koji zaključuje sa Univerzitetom“.

„(2) Nastavnik i saradnik sa punim radnim vremenom koji vrši javnu dužnost ima se pravo vratiti na radno mjesto na kojem je radio prije odlaska na javnu dužnost ili na drugo odgovarajuće radno mjesto u skladu sa Ugovorom koji je zaključio sa Univerzitetom“.

Član 20.

Član 233. se mijenja i glasi:

„(1) Studenti koji su započeli postupak za sticanje naučnog stepena doktora nauka prema odredbama propisa koje su važile na dan stupanja Zakona i Izmjena i dopuna Zakona o Univerzitetu imaju pravo i obavezu okončati započeti postupak i steći naučni stepen doktora nauka prema odredbama ranijih propisa najkasnije do 31. 12. 2017. godine“.

Član 21.

Član 234. se mijenja i glasi:

„(1) Studenti koji su se upisali na dodiplomski i postdiplomski studij imaju pravo završiti studij prema nastavnom programu i uslovima koji su važili prilikom upisa u prvu godinu studija i steći odgovarajući stručni, odnosno naučni naziv prema propisima koji su važili prije stupanja na snagu Zakona i Izmjena i dopuna Zakona o Univerzitetu i to do 30. 09. 2017. godine“.

Član 22.

- (1) Izmjene i dopune Statuta stupaju na snagu po dobijanju saglasnosti Upravnog odbora i saglasnosti Skupštine USK-a.
- (2) Izmjene i dopune unijeti će se u tekst Statuta Univerziteta u Bihaću.

Broj: 06- ~~7883~~ /2016.
Datum: 08.12.2016.



Predsjednik Senata
prof. dr. Fadil Islamović